

ODRŽANA XV REDOVNA SKUPŠTINA UDRUŽENJA PARAPLEGIČARA I OBOLJELIH OD DJEČIJE PARALIZE DOBOJ JUG

Dana 16.3.2017. godine sa početkom u 13,00 sati, u kancelarii udruženja održana je XV redovna Skupština udruženja paraplegičara i oboljelih od dječije paralize općine Doboj Jug.

Pored zatupnika Skupštini je prisustvovao i Općinski načelnik g-din:Mirnes Tukić sa svojim saradnicima i predstavnici drugih NVO na lokalnoj zajednici. Od 11 zastupnika koliko broji Skupština sjednici je prisustvovalo 10 zastupnika i time je Skupština je mogla pravosnažno raditi i odlučivati. Nakon usvajanje Dnevnog reda i Zapisnika sa XIV Redovne i Reizborne Skupštine udruženja jednoglasno i bez primjedbi usvojeni su Izvještaj o radu i Finansijski izvještaj udruženja za 2016 godinu, Zapisnik Nadzornog odbora kao i Program rada i Finansijski plan udruženja za tekuću godinu. Pored Izvještaja o radu za prošlu godinu, uz materijale koji su zastupnici dobili, predsjednik udruženja Edib Skulić je putem slajd-projeksije (Power Point) prezentirao je dodatno aktivnosti udruženja u 2016 godini koje su svrstane u:

- Redovne aktivnosti udruženja
- Projektne aktivnosti
- Sportske aktivnosti
- Humanitarne aktivnosti
- Ostale aktivnosti

Bez obzira na težak položaj ove kategorije ljudi i nedovoljnog razumjevanja predstavnika vlasti da rade na stvaranju preduslova za punu uključenost i izjednačavanje mogućnosti osoba sa invaliditetom na svim nivoima vlasti, udruženje je vlastitim snagama i znanjem, aplicirajući i implementirajući više projekata težište dali na aktivnostima zapošljavanja osoba sa invaliditetom, sportskim i humanitarnim aktivnostima. Istaknuto je nekoliko velikih i značajnih aktivnosti koje je udruženje imalo u prethodnoj godini svog rada, a predsjednik udruženja g-din:Edib Skulić je posebno istakao aktivnosti na implementaciji projekata , saradnju i pomoć drugim NVO u pisanju i implemetaciji projekata, reevidenciji članstva, planiranim Martovskim aktivnostima posvećenim Danu općine. Kao indikatore kada su u pitanju projektne aktivnosti istakao je da su u 2016 godini direktno i indirektno aplicirali i učestvovali na 9 projekata od kojih je 8 odobreno, a od toga 6 implementirano i 2 su u fazi implentacije. Uglavnom se radilo o projektima u oblasti sporta, nabavka poljoprivredne opreme i adaptacije kancelarije i pristupne staze kancelariji udruženja I zapošljavanju osoba sa invaliditetom (tri osobe sa invaliditetom su putem Fonda za profesionalnu rehabilitaciju i zapošljavanja osoba sa invaliditetom FBiH dobile zaposlenje),

U okviru diskusije, članovi udruženja odnosno zastupnici i ostali prisutni su izrazili zadovoljstvo radom udruženja u prošloj godini, a vođena je i diskusija o učešću na predstojećem Međunarodnom otvorenom prvenstu i XIV sportskim igrama paraplegičara i oboljelih od dječije paralize FBiH koje će se održati u Zenici od 18-20 maja 2017.godine.

Prisutnim na sjednici Skupštine se obratio I Općinski načelnik i u svom obraćanju nije krio zadovoljstvo dosadašnjim radom našeg udruženja i svemu onome urađenom i dao punu podršku budućoj zajedničkoj saradnji na stvaranju boljih uslova rada i življenja OSI na lokalnoj zajednici.

Rad Skupštine je protekao u radnoj atmosferi, a po završetku sjednice Skupštine upriličen je zajednički ručak i druženje.

